

廿
一
日

金匱玉函經二註卷之十九

趙以德衍義

元和李清俊春泉重刊

周揚俊補註

門人

唐荆基澹園
張清源梅汀

全校

跖蹶手指臂腫轉筋陰狐疝虬蟲病脉證第十九

皆係

筋病故彙為篇論一
首脉證一條方五首

帥曰病跖蹶其人但能前不能卻刺膕入二寸此太陽

經傷也。

補註膕名承筋在上股起肉處腳跟上七寸膕之中

陷者是法不可刺或刺轉深遂傷其經以致能前而

不能卻。此仲景自註已詳。

病人常以手指臂腫動。其人身體濶濶者。藜蘆甘草湯主之。

補註凡動皆屬風。而腫屬濕。故肝木主風。血虛則風生。氣虛則濕襲。手臂腫且動。知其血不足以養筋。陽亦不能以自固。而身體之濶。勢不得已矣。豈非有痰氣在筋節間乎。夫見于外者。未有不因于內者也。窺仲景有吐之法。惜乎方缺焉耳。

轉筋之爲病。其人臂脚直。脉上下行。微弦。轉筋入腹者。

雞屎白散主之。

雞屎白散

雞屎白一味爲散。取方寸匕。以水六合。和溫服。

補註轉筋者。脾胃土衰。肝木自盛。風火燥爍于筋。則筋攣而痛。故風氣甚急。則肝血失養。筋失其柔和之性。乖其屈伸之節。故臂腳直。至脉直上下行者。乃督衝之爲病。何者。督脉循陰器。陰器者。宗筋所主也。衝脉爲肝之募。肝木多風。則衝亦病矣。若微苳則轉入于內。爲病較重。因以雞屎白投之。其肝邪外出耳。

陰狐疝氣者。偏有大小。時時上下。蜘蛛散主之。

蜘蛛散方

蜘蛛

十四枚
熬焦

桂枝

半兩

二味爲散。取八分。一匕飲和服。日再服。蜜圓亦可。

〔衍義〕厥陰之筋病也。狐陰獸。善變化而藏。舉丸上下。有若狐之出入無時也。足厥陰之筋。上循陰股。結于陰器。筋結故偏有大小。氣病。故時時上下也。蜘蛛布網取物。其絲右繞。從外而內。大風不壞。得乾金旋轉之義。故主治風木之妖狐。配桂枝以宣散厥陰之氣。

結。

剗曰。病腹痛有蟲。其脉何以別之。師曰。腹中痛。其脉當沉。若弦。反洪大。故有虵蟲。

衍義。腹痛中焦濕土之爲病也。腹爲陰。痛爲陰類。故脉當沉。若脉弦。是見厥陰風木之象矣。反洪大者。風木盛而生火。風木之邪。賊傷中土。濕熱不攘。則生蟲。故曰。諸蟲皆生於風也。東方生風。在地爲木。在體爲筋。在藏爲肝。風傷筋。此因風傷而生蟲。故蟲乃厥陰肝筋之爲病也。是以傷寒虵厥。在厥陰篇內。此章虵

痛列於筋病篇中。

虻蟲之為病。令人吐涎。心痛。發作有時。毒藥不止。甘草

粉蜜湯主之。

甘草粉蜜湯方

甘草 二兩 粉 一兩 蜜 四兩

右三味。以水三升。先煮甘草。取二升。去滓。內粉蜜攪

令和。煎如薄粥。溫服一升。差即止。

衍義。夫飲食入胃。胃中有熱。則蟲動。蟲動則胃緩。胃

緩則廉泉開。故吐涎。虻上入膈。故心痛。虻聞食臭出。

得食則安。故發作有時也。毒藥不止者，虻惡之不食也。虻喜甘，故用甘草蜜之甘，隨所欲而攻之。胡粉甘寒，主殺三蟲。虻得甘則頭向上而喜食，食之即死。此反佐以取之也。

虻厥者，當吐虻。今病者靜而復時煩，此爲藏寒。虻上入膈，故煩。須臾復止，得食而嘔，又煩者，虻聞臭出，其人當自吐虻。

衍義：虻厥者，病虻而手足厥冷也。虻厥者，當吐虻。病者靜而復時煩，此因肝藏寒而虻上入膈，故煩。蓋言

蚘生于肝。因臟寒而上入于膈也。須臾復止得食而
 嘔。又煩者。此蚘聞食臭而出于胃。故其人常自吐蚘。
 蓋言蚘因風而生于肝。藏寒則上入膈。聞食臭則出
 于胃也。

蚘厥者。烏梅丸主之。

烏梅丸方

烏梅 三百個

細辛 六兩

乾薑 十兩

黃連 一觔

附子 六兩炮

川椒 四兩去汗

當歸 四兩

桂枝 去皮

人參

黃蘗 各六兩

右十味異搗篩合治之。以苦酒漬烏梅一宿。去核蒸之。五升米下飯熟。搗成泥。和藥令相得。內臼中與蜜杵二千下。圓如梧子大。先食飲服十圓。日三服。稍加至二十圓。禁生冷滑臭等物。

〔衍義〕烏梅味酸入肝。梅得先春之氣。主助生陽而殺陰類。細辛發少陽之初陽。以助厥陰之化。當歸啟少陰之血液。以資肝藏所藏之榮。黃連配蜀椒。助心火以殺虻。益子氣也。附子配黃栢。資腎氣以同厥。助母氣也。乾薑佐人參補中焦而止嘔。桂枝制風木。踈肝

鬱陰陽和而厥逆回。風邪散而氣血足。治虻厥之法
備已。虻之化生有若蠅蚰生長極速。

金匱玉函經二註卷之二十

趙以德衍義

元和李清俊春泉重刊

周揚俊補註

門人

唐邦基澹園
陳德明梅坡

全校

婦人妊娠病脉證治第二十

證三條
方九首

師曰。婦人得平脉。陰脉小弱。其人渴不能食。無寒熱。名
妊娠。桂枝湯主之。于法六十日當有此證。設有醫治逆
者。卻一月。加吐下者。則絕之。

衍義婦人平脉者。言其無病脉也。陰脉小弱。其榮氣
不足耳。凡感邪而榮氣不足者。則必惡寒發熱。不妨

於食。今無寒熱妨于食。是知妊娠矣。妊娠者。血聚氣搏。經水不行。至六十日始凝成胎。斯時也。氣血化于下。榮氣不足。衛不獨行。壅突中焦而不能食。津液少布。其人渴。用桂枝湯益榮和衛。設有醫以他治。則更一月當化。若加吐下。復損其榮。土亦失其養育。條芩白朮可也。芎歸可也。參芪可也。但要益榮生津。和中下二焦而已。

婦人宿有癥病。經斷未及三月。而得漏下不止。胎動在臍上者。爲癥痼害。

衍義宿有癥瘕內結。及至血聚成胎。而癥病發動。氣淫于衝任。由是養胚之血。不得停畱。遂漏不止。癥瘕下迫。其胎動於臍上。故曰癥瘕害也。凡成胎妊者。一月血始聚。二月始胚。三月始胎。胎成始能動。今六月動者。前三月經水利時。胎下血者。未成也。後斷三月。始胚以成胎。方能動。若血下不止。而癥乘故也。必當去其癥。內經曰。有故無殞。亦無殞也。癥去則胎安也。桂枝桃仁丹皮芍藥。能去惡血。茯苓亦利腰臍間血。卽是破血。然有散有緩。有收有滲。結者散。以桂枝之

辛肝藏血。血畜者肝急。緩以桃仁。丹皮之甘陰氣之發動者。收以芍藥之酸。惡血既破。佐以茯苓之淡滲。利而行之。

妊娠六月動者。前三月經水利時。胎下血者。後斷三月不血也。所以血不止者。其癥不去故也。當下其癥。桂枝茯苓丸主之。

桂枝茯苓丸方

桂枝

茯苓

牡丹

桃仁

去皮尖熬

芍藥

各等分

右五味末之。煉蜜丸如兔屎大。每日食前服一九不

知加至三丸

衍義此復申明胎成三月而後動也。上章以經斷三月而漏下不止，然胎已成，故雖漏下而胎動於上也。此章以六月動者，以前三月經水利時而成胎，胎雖成而血時下，至後三月始斷而不血，是以妊娠六月而胎始動。蓋前三月因下血而胎失養，前三月與後三月之血下不止者，以其癥不去故也。當下其癥，此丸主之。

婦人懷妊六七月。脉弦發熱。其胎愈脹。腹痛惡寒者。少

腹如扇。其所以然者。子藏開故也。當以附子湯溫其臟。
衍義。妊至六七月。筋骨堅強之時。若其脉弦。弦爲虛。
爲寒。內格其陽于外。而發熱。陰寒內逆。而作脹。腹痛。
惡寒者。其內無陽。故子藏開。少腹如扇也。用附子湯。
復返其陽以溫其藏。

師曰。婦人有漏下者。有半產後。因續下血。都不絕者。有
妊娠下血者。假令妊娠腹中痛。爲胞阻。膠艾湯主之。

膠艾湯方

阿膠 二兩

艾葉 三兩

甘草 二兩

當歸 三兩